

EXERCICIO PARA ENVIAR AO PROFESOR-TITOR DE FILOSOFÍA E CIDADANÍA

Composición filosófica sobre tema: *O Proxecto Gran Simio*

Redactar unha composición filosófica persoal, a modo de ensaio ou disertación breve (unhas dúas páxinas) con ese título. Trátase de exercitar a capacidade de exposición e argumentación sobre temas filosóficos, así como de estimular a investigación e reflexión persoal favorecendo unha aprendizaxe autónoma, dado que todos os demais exercicios e cuestionarios deixan pouco espazo para iso, polo seu carácter de autoavaliáveis.

Hai moitas formas e estilos de construír un texto persoal sobre un tema; pero ante todo debe ser unha exposición clara, rigorosa, coherente e ordenada. Para realizalo podes ter en conta as seguintes indicacións:

- 1) Empezar cunha breve *introdución*, onde se presente con claridade o problema e a súa importancia. Neste caso, a reivindicación de recoñecer dereitos básicos á algunhas especies animais, esixida por determinados colectivos, extendendo así a aplicación de certos dereitos humanos fundamentais a outras especies. O *Proxecto Gran Simio*, iniciado polo filósofo Peter Singer, xa chegou ao parlamento español en 2008.
- 2) *Desenvolvemento*: Será a parte máis extensa, que debe dedicarse a
 - delimitar con precisión o problema e a súa actualidade,
 - expoñer con claridade as diferentes posicións ao respecto,
 - analizar críticamente os datos e argumentos das mesmas,
 - sinalar as consecuencias máis relevantes implícitas nas diferentes posturas.
- 3) *Conclusión*: A túa posición (tese) ante o problema debe quedar clara e estar apoiada en datos e argumentos anteriormente presentados, rebatindo outros contrarios.

Para realizar a composición deberás previamente buscar, recoller e seleccionar información sobre o tema en internet (e/ou noutras fontes). O filósofo español J. Mosterín ten escrito bastante sobre este tema (un dos seus libros titúlase *¡Vivan los animales!*). As palabras claves para orientar a busca pola rede poden ser: [proxecto gran simio](#), [dereitos animais](#), [culturas animais](#)... Podes atopar información interesante en es.wikipedia.org, www.filosofia.org, www.filosofia.net, entre outras moitas páxinas. As fontes utilizadas deberás citalas ao final da composición.

Unha vez recollida e seleccionada a información, debes facer un esquema ou guión previo que che sirva de guía e axuda para redactar a túa exposición definitiva.